

dine magis quam duplo latius, callis obscurioribus, nigris. Hemielytra tota unicolora; membrana sat obscure fumata, macula ad apicem cunei hyalina, venis omnibus fuscis, areolis totis infuscatis omnino colore clavi, corii et cunei, sub apice venae cubitalis puncto oblongiusculo nigro-fusco. Pedes sordide pallescentes, densius subtiliter fusco-pubescentes, femoribus parce nigro-punctulatis, marginibus haud obscurioribus, tibiis spinulis nigris e punctis distinctis nigris nascentibus, apice tibiaram saltem posticarum tarsisque nigris.

Plagiognathus flavipes REUT., p. 80, l. 7, supra, *adde*: Gréoulx, D. Dr. JAUBERT.

Plagiognathus albipennis FALL., p. 81, lin. 4, supra, *adde*: *Capsus artemisiae* BECK., Bull. Soc. Nat. Mosc. 1864, I, p. 485 sec. spec. Pag. 82, lin. 5, supra *adde*: Caucasus (Petrovsk), D. JAKOVLEFF.

Obs. Tibiae posticae figurae 8, Tab. IV, false depictae, basi concolores.

Infra hanc speciem *adde*:

Plagiognathus amurensis REUT.

Diagn.: Fuliginosus, nitidus, superne longius flavo-pubescentis, capite, pronoto scutelloque lividis, capite apice latius fusco-nigro, fronte annulo verticeque puncto utrinque ad oculus fuliginosis, pronoto callis saltem postice scutelloque vitta longitudinali obscure fuliginosis; hemielytris obscure fuliginosis, vitta clavi, basi corii praecipue extrorsum, basi apiceque cunei lividis, membrana areolis luridis, venis lividis, apice areolae majoris, areola minore tota maculaque transversali pone maculam hyalinam ad apicem cunei fuscis; antennis nigris, articulis duobus ultimis testaceis, secundo latitudini basali pronoti saltem aequae longo, ipso apice pallido; pedibus lividis, femoribus maculis magnis nigro-fuscis, tibiis spinulis nigris e punctis magnis nigro-fuscis, basi nigro-fusca. Long. ♀ 3½ mm.

Hab. in Amuria!, D. FAUST.

Descr.: *Pl. albipenni* FALL. nonnihil similis, colore signaturisque mox tamen distinguendus. Corpus oblongo-ovatum, obscure fuliginosum, superne longius flavo-pubescentis, pilis nigris destitutum. Caput leviter transversum, basi pronoti circiter $\frac{3}{7}$ angustius, lividum, nitidum, apice cum clypeo toto nigro-fuscum, fronte annulo fuliginoso, vertice oculo fere magis quam duplo latiore (♀), utrinque ad oculus puncto fuliginoso. Oculi fusci. Rostrum lividum. Antennae nigrae, ipso apice articulorum primi et secundi duobusque ultimis totis lividis, secundo latitudini basali pronoti aequae longo. Pronotum basi longitudine duplo fere latius, lateribus obsolete sub-sinuatis, lividum, callis lateribusque antice fuliginosis, basi interdum etiam latius fuliginosum. Scutellum lividum, vitta media obscure fuliginosa. Hemielytra (♀) abdomen nonnihil superantia, obscure fuliginosa, vitta clavi, corio basi suturaque clavi, basi apiceque cunei sordide lividis; membrana iridescente, areolis luridis nitidis, apice areolae majoris minoreque tota fuscis, venis lividis, ad apicem cunei macula hyalina apicem areolae minoris attin-